

MĚSA TORONA

Desfidades y oportunités da porté ite
orientamēnc didatics plurilinguai te
contesć olache al é formes vedles y
nöies de plurilinguism

5 de dezēمبر 2023

Dales 16:30 ales 17:30

Eurac Research, strada Druso 1, Balsan
Manifestaziun en presēnza



Danter le 2013 y le 2018 á passa 2.400 scolares y scholars tut pert al proiet “A scora cun de plü lingac”. Le 34 % di jogn y dles jones á detlaré da savèi almancö un n lingaz a pert le todësch, le talian y le dialet dl Südtirol. Albanesc, farsi, punjabi y sard é ma n valgügn di lingac che fej pert dl repertore dles partezipantes y di partezipanc. Chisc dac nes dij tlermënter che le plurilinguism tles classes dl Südtirol ne n’è nia plü limité ai lingac ofiziai o de scolarisaziun - todësch, talian, ladin y inglesc. Le plurilinguism nü á dimenjiuns globales y mët le Südtirol dan da desfidades nöies, sciöche al é bele sozedü denant te d’atri contesc plurilinguai a nivel nazional y ince europeich.

Co s’integrëia le vedl plurilinguism cun le nü te classa? Cares é pa les desfidades che le monn dla scora südtiroleja mëss afronté por valorisé duc i lingac presenc sön le teritore, anfat sce todësch o urdu? Ci pón pa fá t’archirida da daidé les porsones che laora te scora tó ite duc chisc lingac? Y ci pó pa fá le personal insegnant? De chëstes y de d’atres domandes orunse baié pro la mësa torona “Desfidades y oportunités da porté ite orientamënc didatics plurilinguai te contesc olache al é formes vedles y nöies de plurilinguism”, organisada da Eurac Research.

La mësa torona vëgn tignida en gaujiun dla conferënza finala dl proiet “A lezione con piü lingue/ A scora cun de plü lingac/ Sprachenvielfalt macht Schule” (SMS 2.0) metü a jí dal Istitut de linguistica aplicada de Eurac Research cun le fin da reconësc, valorisé y promöie les desfarënzies linguistiches presëntes tles classes.

Moderadëssa: **Andrea Abel**, direturia dl Istitut de linguistica aplicada dl Eurac Research

Partezipantes:

- **Paola Cason.** Lehrerin, Mittelschule A. Egger Lienz (Bozen).
- **Flavia Lardschneider.** Coordinadëssa, Zënter de competënza Inclujun y Consulënza ladina.
- **Raffaella Lauria.** Dirigente scolastica, Istituto Pluricomprendivo Vipiteno Alta Val D’Isarco.
- **Inge Niederfriniger.** Leiterin, Referat Migration – Sprachenzentren, Deutsche Bildungsdirektion.
- **Lorella Saccoman.** Insegnante e fiduciaria, Scuola Primaria A. Langer (Bolzano).
- **Ruth Videsott.** Docente, Facoltà di Scienze della Formazione - Freie Universität Bozen/Libera Università di Bolzano.

Al ne gnará nia fat la traduziun.

Por informaziuns:

Eurac Research
Institute for Applied Linguistics
T: +39 0471 055 100
sms.info@eurac.edu